

(«Բասակյանը քնուիքան երգիչ»), Ա. Եղիազարյանը («Բասակյանի բառի պոետիկան»), Ս. Ամիրյանը («Բասակյանը և Ուկրաինան»)։

Նստաշրջանում ելույթներ ունեցան Նան վրաց գրականագետ Ռ. Արվելյաձեն և բանասիրական գիտությունների զոկաոր Մ. Մելիգոփը (Բաքու), որոնք խոսեցին Վրաստանում և Ադրբեջանում Բասակյանի արվեստի մասնաշաղկապության, վրացերեն և ադրբեջաներեն լեզուներով կատարված նրա ստեղծագործությունների թարգմանությունների, ինչպես նաև վրացական և ադրբեջանական գրականությունների հետ Բասակյանի ունեցած կապերի մասին։

* * *

Հոկտեմբերի 14—16-ը Երևանի պետական համալսարանում կայացավ Ավետիք Բասակյանի ծննդյան 100-ամյակին նվիրված գիտական նստաշրջան։

Նստաշրջանը ներածական խոսքով բացեց համալսարանի ռեկտոր՝ Հայկական ՍՍՀ գիտությունների ակադեմիայի ակադեմիկոս Մ. Ներսիսյանը։

— Հայ ժողովուրդը, — ասաց նա, — մեր մեծ հայրենիքի եղբայրական ժողովուրդների և ամբողջ աշխարհի բարի կամքի տեր մարդկանց հետ տոնում է իր հոգևոր մշակույթի նշանավոր տոներից մեկը՝ անմահ Բասակյանի ծննդյան 100-ամյակը։ Հանձարեղ բանաստեղծը հայ բազմադարյան գրականության փայլուն գաղաթներից մեկն է։ Հակայական է նրա դերը հայ երբեք գրականության զարգացման գործում։ Բասակյանն իր կյանքով ու գործունեությամբ ներկայանում է որպես բազմադարյան ողորմական մեծություն, ազնվության և վեհության մի պայծառ օրինակ։ Նա գեղարվեստորեն մարմնավորեց իր ժողովրդի հոգևոր աշխարհը, նրա իդեալներն ու ձգտումները, մարդասիրական խոհերը։

Բասակյանի ստեղծագործության մասին զեկուցումով հանդես եկավ Հայկական ՍՍՀ գի-

տությունների ակադեմիայի թղթակից-անդամ Մ. Մկրյանը։

— XIX դարի վերջում և XX դարի սկզբում հայ պոեզիան զարգացման մի աննախընթաց շրջան ապրեց, — ասաց նա, — Այդ ժամանակամիջոցում իրենց ստեղծագործությամբ հռչակվեցին ու լայն ժողովրդականություն ձևաբերեցին Քումանյանը և Բասակյանը, Սիամանթոն ու Վարուժանը, Մեծարևելյան ու Տերյանը։ Բասակյանը գրական հռչակի հասավ միանգամից՝ իր առաջին «Երգեր ու վերքեր» բանաստեղծությունների ժողովածուով։ Նրա ժողովրդականությունն անշեղորեն մեծացավ իր կյանքի տարիների հետ, որովհետև նրա հումանիզմը և հայրենասիրությունը գնալով ավելի էին խորանում, ստեղծագործությունը ավելի ու ավելի իմաստուն և գեղարվեստորեն հմայիչ էր դառնում։ Բանաստեղծը հայ գրականությանը պարգևել է գեղարվեստական այնպիսի կոթողներ, որոնք կրում են հանձարի անհնչելի դրոշմը։ Հանդես գալով ազգային ոգրերգության ժամանակաշրջանում, Բասակյանը անսահման հավատով փառաբանեց զայիք լուսավոր օրերը։

Գիտական նստաշրջանում զեկուցումներով հանդես եկան ՀՍՍՀ գիտությունների ակադեմիայի թղթակից-անդամ է. Ջրբաշյանը («Բասակյանի քնարական հերոսը»), բանասիրական գիտությունների դոկտորներ Գ. Հովհաննիսյանը («Պատկերի կառուցվածքը Բասակյանի բանաստեղծություններում»), Է. Քամբազյանը («Բանաստեղծը և իր դարը»), պատմական գիտությունների դոկտոր Է. Ֆելեքյանը («Բասակյանը հրապարակախոս»), բանասիրական գիտությունների թեկնածուներ Ռ. Իշխանյանը («Բասակյանի ստեղծագործության լեզվական զարգացումը»), Մ. Ջանիբաղյանը («Ավ. Բասակյանի «Լիլիթը» և Ավիկ Բասակյանը («Ավ. Բասակյանի ծոցատետրային աֆորիզմներ»)։

Է. ՍԻՄՈՆՅԱՆ

ՍՈՎԵՏԱԿԱՆ ԵՎ ԼԵՂ ՊԱՏՄԱՐԱՆՆԵՐԻ ՀԱՄԱՏԵՎ ԳԻՏԱԿԱՆ ՆՍԱԶԵՐՁԱՆԸ

ՍՍՀՄ գիտությունների ակադեմիայի նախագահության որոշմամբ 1975 թ. հոկտեմբերի 28-ից մինչև նոյեմբերի 2-ը Սուխումի քաղաքում անցկացվեց սովետական և լեհ պատմաբանների հերթական գիտական նստաշրջանը, որը նվիրված էր ռևոլյուցիոն նվիրողայի և Մերձսևծովյան երկրների քաղաքական փոխհարաբերությունները XV դարից մինչև XVIII դարի սկզբները պորթլեմին։

Սովետական և լեհ պատմաբանների ամենամ-

յա համատեղ նստաշրջաններ անց են կացվում արդեն շուրջ 10 տարի՝ հաջորդաբար ՍՍՀՄ-ում և Լեհաստանում։ Նստաշրջանի աշխատանքներին մասնակցում էին Մոսկվայի, Քիշինևի, Երևանի, Վիլնյուսի, Մինսկի, Լվովի, Սարատովի, Թրիթսիի, Խարկովի, Սուխումի, Ինչպես նաև Վարշավայի, Պոզնանի, Կրակովի և Լոձի յոթնասունից ավելի պատմաբաններ։ Ընթերցվեց 40 զեկուցում։ Նստաշրջանում, պլենար նիստերից բացի, գումարվեցին նաև բաժանմունքների նիս-

տեր, որոնցից մեկում քննարկվեցին աղբյուրագիտական, մյուսում՝ պատմագիտական բնույթի զեկուցումներ:

Նստաշրջանը բացվեց կաղամկոմիտեի նախագահի տեղակալ, պրոֆ. Ս. Ի. Կոստյուշկոյի համառոտ խոսքով: Պլենար նիստում մեծ հետաքրքրությամբ լսվեց Լ. Բազիլիի (Վարշավա) զեկուցումը, որը նվիրված էր XVI դարի լեհ-թուրքական դիվանագիտական հարաբերություններին: Հիմնականում կանգ առնելով Լեհաստանի և Օսմանյան կայսրության միջև դիվանագիտական հարաբերությունների սկզբնավորման և զարգացման խնդիրների վրա, զեկուցողը խոսեց նաև թուրքական ազդեցության ուժեղացող վտանգի պայմաններում Արևելյան Եվրոպայի մի շարք երկրներում և, մասնավորապես, Լեհաստանում ստեղծված քաղաքական խառը վիճակի և այն միջոցառումների մասին, որոնք մշակվում էին այդ վտանգը չեզոքացնելու և թուրքերի դեմ համատեղ պայքար կազմակերպելու համար: Լ. Վ. Չերեպինը (Մոսկվա) զեկուցեց թուրքական տիրապետության տակ տվյալոդ Ադոլֆի բնակչությանը օգնություն ցույց տալու, հարավ-ուսական այդ քաղաքը թուրքական լծից ազատագրելու պլանների մասին, որոնք մշակվել էին 1642 թ. գումարված «Համերկրային ժողովում»: Լ. Ն. Սեմյոնովան (Քիշինև) հանդես եկավ «XV դարի վերջի մոլդավա-լեհ-թուրքական հարաբերությունների պատմությունից» զեկուցմամբ, որի մեջ հետաքրքրական տեղեկություններ բերեց Լեհաստանի և Թուրքիայի հետ Մոլդավական իշխանության ունեցած քաղաքական փոխհարաբերությունների վերաբերյալ: Ի. Պ. Ստարոստինայի (Մոսկվա) զեկուցումը նվիրված էր XV դարում Լիտվայի Մեծ Իշխանության կազմում եղած հին սլավոնական երկրների իրավական զարգացման յուրահատկությունների հարցին: Ա. Գեյշտորը (Վարշավա) զեկուցեց Հարավ-Արևելյան Եվրոպայում Ռեչ Պոսպոլիտայի վարած քաղաքականության մասին: Վ. Հեմզելի (Վարշավա) զեկուցման մեջ քննության էին առնված Լեհաստանից ու նրա կազմում եղած երկրներից XVI—XVII դդ. թուրք-թաթարական արշավանքների ընթացքում գերի տարվածների իրավական վիճակի, փրկագնման պայմանների ու դրա իրականացման հետ կապված մի շարք հարցեր: Ա. Պ. Գրիցկելիչը (Մինսկ) «Բելոռուսական հողերն ու Ղրիմի խանությունը XV—XVI դդ.» զեկուցման մեջ ուշադրով նյութեր հրապարակեց Բելոռուսիայի վրա թուրքերի գրգռումով Ղրիմի թաթարների կատարած հարձակումների վերաբերյալ: Վ. Սերշիկի (Կրակով) զեկուցման թեման էր՝ «Ռեչ Պոսպոլիտան և կազակությունը XVII դարի առաջին երկու տասնամյակներում»:

Նստաշրջանում ներկայացված զեկուցումների

մի զգալի մասը նվիրված էր թուրք-թաթարական ազդեցության դեմ սլավոնական ժողովուրդների մղած դարավոր պայքարի պատմության տարբեր կողմերին: Ս. Ն. Ֆլուրյայի (Մոսկվա) զեկուցման մեջ շոշափված էր 1556—1560 թթ. Խուսաստանի և Լիտվական Մեծ Իշխանության միջև հակաթուրքական կռաւիցիա ստեղծելու ծրագրերի հարցը: Վ. Ա. Արտամոնովը (Մոսկվա) խոսեց 1709—1714 թթ. Խուսաստանի, Ռեչ Պոսպոլիտայի և Թուրքիայի միջև ստեղծված քաղաքական հարաբերությունների մասին: Լ. Վ. Գալակտիկոնովի (Սարատով) զեկուցման թեման էր՝ «Խուսաստանը և Լեհաստանը 1666—1667 թթ. թուրքական ազդեցության դեմ-հանդիման», Լ. Վ. Պարբովսկունը (Մոսկվա)՝ «Ղրիմի հարցը Ռուսաստանի և Ռեչ Պոսպոլիտայի արտաքին քաղաքականության մեջ XVII դարի 40—50-ական թթ.» Պ. Վ. Սովետովը (Քիշինև) պատմեց թուրքական լծից ազատագրվելու նպատակով դանուբյան իշխանությունների՝ Ռուսաստանի և Ռեչ Պոսպոլիտայի տիրապետության տակ անցնելու ծրագրերի մասին (XVII դար—XVIII դարի սկզբներ): Յու. Կերովսկու (Կրակով) զեկուցումը նվիրված էր Լեհաստանի ու Սարսոնիայի միջև կայացած միության ժամանակ Թուրքիայի նկատմամբ Լեհաստանի վարած քաղաքականությանը: «Խուսական պետության հարավային սահմանների պաշտպանության կազմակերպումը XVI—XVII դդ. հարցի շուրջ զեկուցեց Վ. Ա. Ալեքսանդրովը (Մոսկվա): XVII դարի լեհ-ուկրաինական և ուկրաինամոլդավական հարաբերություններին էին նվիրված Վ. Սերշիկի (Կրակով) և Ն. Ա. Սովետովի (Քիշինև) զեկուցումները:

Աղբյուրագիտական բաժանմունքի նիստերում լսված զեկուցումներն ու հաղորդումները գլխավորապես վերաբերում էին ՍՍՀՄ-ի, Լեհաստանի ու այլ երկրների դիվանատնետում պահվող ձեռագիր սկզբնաղբյուրներին, ինչպես և տպագիր նյութերին, որոնք հարուստ տեղեկություններ են պարունակում քննարկման դրված հիմնական պրոբլեմի վերաբերյալ: Այդ բնույթի ամենաուշագրավ զեկուցումներից էր Ս. Ո. Եմիլյովի (Մոսկվա) «XVI—XVII դդ. դեսպանական գործերի ցուցակը որպես Թուրքիայի ու Ղրիմի արևելա-եվրոպական քաղաքականության պատմության սկզբնաղբյուր» հաղորդումը: Շ. Ֆ. Մուխոմեյլայովը (Մոսկվա) վեր հանեց Արեւելյան Եվրոպայի և Մերձսևծովյան երկրների XVI—XVII դդ. փոխհարաբերությունների ուսումնասիրման համար թաթար խաների յարլիկների ունեցած նշանակությունը: Մ. Ն. Բիլկովան պատմեց XVI դարի տոհմագրական գրականության մեջ ուսական պետության ու Լիտվայի քաղաքական կապերի արտացոլման մասին: Կարդացվեցին նաև այլ զեկուցումներ, որոնցից

հատկապես հետաքրքրական էին Ն. Մ. Ռուսսկի (Քիշինկ) ղեկուցումը Մուղավիայի լեհական կողմնորոշման պաշտպաններ՝ XVI դարի տարեգիրներ Գ. Ուրեկիեի ու Մ. Կոստինի և, ընդհանրապես, թուրքական լծից ազատագրվելու համար մուղավական ժողովրդի մղած հերոսական պայքարի մասին և Ն. Բ. Խրեկովի (Մոսկվա) «Օսմանյան կայսրության և Ղրիմի խանության արևելա-եվրոպական քաղաքականության որոշ տեղեկություններն ըստ XVII դարի մի քանի ստեղծագործությունների» ղեկուցումը, որի հեղինակը բնութագրեց Մոսկվայի հզորության վերականգնման կողմնակից, XVII դարի հույն պատրիարք Արսենիի և նրա զաղափարական հակառակորդ, թուրք պատմիչ է. Չելեբիի հայացքները:

Գիտաժողովում հատուկ ուշադրություն նվիրվեց Ռուսաստանի և Արևելյան Եվրոպայի մի շարք երկրների ու առաջին հերթին լեհաստանի հետ կովկասյան և անդրկովկասյան ժողովուրդների ունեցած պատմական կապերի ու բարեկամության խնդրին: Չ. Վ. Անչաբաձևի (Սուխումի) ղեկուցման մեջ բնութային էր առնված Մերձսևծովյան և Արևելյան Եվրոպայի երկրների քաղաքական փոխհարաբերություններում Կովկասի ժողովուրդների խաղաղած ղերի հարցը: Վ. Կ. Ոսկանյանի (Երևան) «Ռուս-լեհ-հայկական համագործակցությունը XVII դարում» ղեկուցումը նվիրված էր նշված ժամանակաշրջանում նոր զարգացում ստացած հայ-ռուսական և հայ-լեհական քաղաքական ու տնտեսական կապերի, հայ ազատագրական շարժման աշխույժացման և հայ ժողովրդի ուսական կողմնորոշման ձևավորման հետ կապված հար-

ցերին: Բ. Բաբանովսկին (Հոձ) խոսեց XVII դարում և XVIII-ի սկզբում լեհաստանի հետ կովկասյան ու անդրկովկասյան ժողովուրդների քաղաքական և առևտրական կապերի, լեհական արհեստների վրա Կովկասի թողած ազդեցության, Կովկասի մասին լեհ հասարակայնության ունեցած տեղեկությունների և Կովկասից դուրս եկած ու լեհաստանում հաստատված էմիգրանտների մասին: Նրա ղեկուցման մեջ արժարժեքներն ունեցող լեհական հայերի խաղաղած ղերի հարցերը: XVI—XVII դդ. հայ-լեհական մշակութային կապերի մասին ղեկուցումով հանդես եկավ Ջ. Օ. Կալստյանը (Երևան): Մ. Խ. Սվանիձեի (Թբիլիսի) ղեկուցման թեման էր՝ «Վրաստանը, Մերձսևծովյան երկրները և Արևելյան Եվրոպան XVII դարի առաջին կեսում»: Ժ. Ա. Անանյանը ղեկուցեց Ռուսաստանի արևելյան քաղաքականության ու անդրկովկասյան ժողովուրդների քաղաքական փոխհարաբերությունների մասին (XVIII դարի 20-ական թթ.): Գ. Ա. Ջիճարիան (Սուխումի) հանդես եկավ «XIX դարի 20—30-ական թթ. լեհական ազատագրական շարժման մասնակիցները Կովկասի սևծովյան ափում» ղեկուցմամբ:

Գիտաժողովում բնթերցված ղեկուցումները ՍՍՀՄ գիտությունների ակադեմիայի հրատարակչությունը լույս է ընծայելու առանձին ղրքով:

Սովետական ու լեհ պատմաբանների հերթական նստաշրջանը ղումարվելու է 1976 թ. Կրակովում:

Վ. ԳՐԻԳՈՐՅԱՆ